



**ANIVERSARIO** > O Numancia de Ares ten programada una serie de actos para conmemorar o oitenta aniversario da súa fundación

## Preparados para a efeméride

REPORTAXE DE J.G.

■ Hai oito décadas, en 1929, nació o Numancia FC, un clube de fútbol fruto da fusión entre dous equipos que xa existían en Ares, o Aresano e mais o Rompe e Racha, e que, tal e como comentou nalgúnha ocasión un dos fundadores, Bernardo Martínez Oller, tomara tan épico nome do gusto que aqueles impulsores lle collleran á Historia nas clases que recibían na Alianza.

Oitenta anos despois daquilo, e logo de tantos avatares, algúns deles non moi positivos, a SDR Numancia de Ares é un dos clásicos do fútbol comarcal. Na actualidade ten 160 deportistas en dez equipos, repartidos en oito categorías e, para celebrar tan glorioso pasado e esperanzador futuro, a entida-

de ten prevista a celebración dunha serie de actos xa pensados aos que só lle falta a confirmación das outras entidades, organismos e institucións implicadas, como o propio Concello, a Asociación de Fútbol Aficionado Comarcal –Afaco–, o colexió Conde de Fenosa ou o Club de Remo, por exemplo.

A falta de pechar o programa, a intención do Numancia, como explica o seu vicepresidente, Manuel Fernández, é que a final da Copa de Ferrol se celebre en Padrós Vellos, tanto para conmemorar o 80 aniversario da fundación como para homenaxear a unha das persoas que máis teñen traballado polo clube nos últimos tempos, o desaparecido Pedro Vilar.

Ademais, quérese que as xornadas de fútbol 7 que previsiblemente se celebrarán en xuño teñan lugar tamén en Ares, farase

unha reedición da Historia do Numancia elaborada no seu momento pola xunta directiva e senllos tributos a quen gañaron o Concepción Arenal e tamén ás mulleres aresanas que a principios dos 90 fixeron campaña na rúa para concienciar aos veciños da necesidade de botar unha man á sociedade, daquela agobiada polas débedas que tiña contraídas con dúas entidades de crédito.

Ademais, durante os próximos meses o Concello sufragará a instalación do alumeadoo e das gradas do campo e, canda outras entidades deportivas e educativas do municipio, así como de Afaco e do colectivo arbitral, realizarase un programa de educación deportiva para concienciar aos deportistas novos da lacra que supón a violencia nos campos de fútbol.

Todo está, pois, pensado e case preparado para que o Numancia sopre a vela, o cal, 80 anos despois, só é posible, di Fernández, grazas ao esforzo e o traballo de quen, dun modo ou outro, están implicados cun proxecto tan deportivo como educativo.